







國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





水經注箋卷第三十一

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

澧水

涓水

灑水

濯水

瀕水

漁水

湏水

澧水出南陽魯陽縣西之堯山


堯之末孫劉累以龍食帝孔甲孔甲又求之不得

累懼而遷于魯縣立堯祠於西山謂之堯山故張

衡南都賦曰奉先帝而追孝立唐祠於堯山堯山

堯音時又音

國家圖書館, NATIONAL CENTRAL LIBRARY, TAIWAN, R.O.C.



在太和川太和城東北。滢水出焉。張衡南都賦曰：其川瀆則滢，滢灤灤，發源巖穴，布濩漫汗，滢沆洋溢，總括急趣，箭馳風疾者也。滢水又歷太和川東，逕小和川，又東，溫泉水注之。水出北山，七泉奇發，炎熱特甚。闕駟曰：縣有湯水，可以療疾矣。湯側又有寒泉焉。地勢不殊，而炎涼異致。雖隆火盛日，肅若冰谷矣。渾流同谿，南流注滢水。又東，逕胡木山，東流，又會溫泉口。水出北山，阜炎勢奇毒，痾疾之徒，無能澡其衝，漂救養者。白氏六帖作救瘵咸去湯十許步，別池，然後可入湯。側有石銘云：皇女湯，可以療

萬疾者也。故杜彥達云：然如沸湯，可以熟米飯而

一作飲之愈百病。道士清身沐浴，一日三飯。一作飲多少

自在。四十日後，身中萬病愈。三蟲死。學道遭難逢

危，終無悔心，可以牢神存志。卽南都賦所謂湯谷

湧，其後者也。然宛縣有紫山，山東有一水，東西十


五里，南北二百步，湛然沖滿，無所通會。冬夏常溫

世亦謂之湯谷也。盛弘之荊州記云：南陽郡城北有紫山，山東有一水，無所會

通冬夏常溫。因名湯谷。非魯陽及南陽之縣故也。張平子廣

言土地所苞，明非此矣。滢水又東，房陽川水注之。

水出南陽雒縣西房陽川，北流注于滢。滢水之北



有積石焉。世謂女靈山。其山平地介立。不連岡。以成高峻。石孤峙。不託勢。以自遠。四面壁絕。極能靈舉。遠望亭亭。狀若單楹。插霄矣。北面有如頽落。劣得道步。當作通步好事者時有板陟耳。潢水又與波水合。水出霍陽。西川大嶺東谷。俗謂之歌馬嶺。川曰廣陽川。非也。即應劭所謂孤山。波水所出也。馬融廣成頌曰。浸以波滢。其水又南。逕蠻城下。蓋蠻別邑也。俗謂之麻城。非也。波水又南。分三川於白亭。俱南入潢水。潢水自下。兼波水之通稱也。是

陽縣故城南。城即劉累之故邑也。有魯縣居其陽。

故因名焉。王莽之魯山也。昔在於楚。文子守之。與

韓構難。戰有逐景之誠。淮南子云。魯陽公與韓邁難戰。酣日暮。援戈而麾之。

上為之反三舍內有南陽都鄉。正衛為碑。潢水右合魯陽

關水。水出魯陽關外分頭山。橫嶺下。夾谷東北。出


入潢。潢水又東北。合牛蘭水。水發縣北。牛蘭山東

南。逕魯陽城東。水側有漢陽侯焦立碑。牛蘭水又

東南。與栢樹谿水合。水出魯山北。峽谷中。東南流


逕魯山西。而南。合牛蘭水。又東南。逕魯山南。關駟

曰魯陽縣。今其地魯山是也。水南注于潢。潢水東




逕應城南故應鄉也。應侯之國，詩所謂應侯順德者也。彭水注之，俗謂之小澧水。水出魯陽縣南彭山蟻塢東麓北流，逕彭山西，下有彭山廟，廟前有彭山碑。漢桓帝元嘉二年，杜仲長立彭水逕，其西北漢安邑長尹儉墓東冢西有石廟，廟前有兩石闕。闕東有碑，闕南有二獅子相對，南有石碣二枚，石柱西南有兩石羊，中平四年立。彭水又東北流，直應城南而入澧。澧水又左合橋水，水出魯陽縣北，特東。宋本作北特山東南逕應山北，又南逕應城西。地理志曰：故父城縣之應鄉也。周武王封其弟為侯

國，應劭曰：韓詩外傳稱周成王與弟戲以桐葉為圭，曰：吾以封汝。周公曰：天子無戲言，王乃應時而封。故曰應侯。鄉亦曰應鄉。按呂氏春秋云：成王以桐葉為圭，封叔虞，非應侯也。汲冢古文殷時已有應國，非成王矣。戰國范雎所封邑也。謂之應水，澧水又東逕雙縣故城北。左傳昭公元年冬，楚公子圍使伯州犁城犍，是也。出于魚齒山下。春秋襄公十八年，楚伐鄭，次于魚陵，涉於魚齒之下，甚雨，楚師多凍，徒役幾盡。晉人聞有楚師，師曠曰：不害，吾驟歌北風，又歌南風，南風不競，多死聲，楚必無功。



矣。所涉卽澧水也。水南有漢中常侍長樂太僕吉侯苞冢。冢前有碑。墓西枕岡城。開四門。門有兩石獸。墳傾墓毀。碑獸淪移。人有掘出一獸。猶全不破。甚高壯。頭去地減一丈許。作制甚工。左膊上刻作辟邪字。門表壘上起石橋。歷時不毀。其碑云。六帝四后。是謫是誡。蓋仕自安帝。没于桓后。于時閹閹擅權。五侯暴世。割剥公私。以事生歿。夫封者表有德。碑者頌有功。自非此徒。何用許爲。石至于春。不若速朽。苞墓萬古。祇彰誚辱。嗚呼。愚亦甚矣。澧水又東。孽水注之。俗謂之秋水。非也。水有二源。東源出。其縣西南。踐犢山東崖下。水方五十許步。不測。其溪東北流。逕孽縣南。又東北。屈逕其縣東。而北合西流水。西源出縣西南。頗山北阜下。東北逕孽城西。又屈逕其縣北。東合二水。亂流北注于澧。漢高祖入關。破南陽太守呂齮於孽東。太守呂齮事出荀悅漢紀卽於是地。澧水之陰也。澧水又東南。逕昆陽縣故城北。昔漢光武與王尋王邑戰於昆陽。敗之。走者相騰踐。奔殪百餘里。會大雨如注。澧川盛溢。虎豹皆股戰。士卒爭赴。溺死者以萬數。水爲不流。王邑嚴尤陳茂。輕騎皆乘尸而渡矣。

歷錄釋作印



東北過潁川定陵縣西北又東過潁縣南東入于汝
汝水東逕西不羹亭南亭北背汝水於定陵城北
東入汝潁縣在南不得過孫云潁字誤按漢志潁川郡有潁縣


清水出弘農盧氏縣攻離山東南過南陽西鄂縣西
北又東過宛縣南孫按山海經云支離之山清水出焉南流注于漢注云今清水出潁

縣西北山中

潁水導源東流逕鄆縣故城北郭仲產曰鄆縣故
城南在攻離山東鄆舊縣也三倉曰樊鄧鄆鄆有
二城北鄆也漢祖入關下浙鄆卽此縣也清水又
東南流雒縣之雒衡山東逕百章郭北又東魯陽

關水注之水出魯陽縣南分水嶺南水自嶺南流
北水從嶺北注故世俗謂此嶺爲分頭也其水南
流逕魯陽關左右連山插漢秀木干雲是以張景
陽詩云朝登魯陽關峽路峭且深亦司馬芝與母
遇賊處也魏志司馬芝字子華河內溫人也少爲書生避亂荆州於魯陽山遇賊同行者皆棄老弱走芝獨坐守老母賊至以刃臨芝芝叩頭曰母老唯在諸君賊曰此孝子也殺之不義遂得免官至大司農關水歷雒衡山西南逕皇后城西建武

元年世祖遣侍中傅俊持節迎光烈皇后於涇陽
俊發兵三百餘人宿衛皇后道路歸京師蓋稅舍
所在故城得其名矣山有石室甚飾潔相傳名皇



前漢地理志
已有雉縣始
非光武時置

水經注卷六

卷三十一

六

四百六

后浴室又所幸也。關水又西南逕雉縣故城南。昔秦文公之世，有陽伯者，逢二童，曰：『吾曰彼兩童，二雉也。得雌者霸，雄者王。』二童翻飛化爲雙雉，光武獲雉於此山，以爲中興之祥，故置縣以名焉。按列異傳

云陳倉人得異物，獻之道過二童子，云此名爲媧，在地下食死人腦，媧乃言彼二童子名陳寶，得雉者王，得雌者霸，乃逐童子化爲雉。秦穆公大獵，果獲其雌，搜神記所引正同，但云其雄者飛至南陽，秦表其地爲雉縣。後光武起於南陽，此注晉曰以下似有缺文。關水又屈而東南

流注于涪，涪水又東南流，逕博望縣西北，故城東。郭仲產曰：郡東北一百二十里，漢武帝置校尉張騫隨大將軍衛青西征，爲軍前導，相望水草得以

不乏。元光六年，封騫爲侯國。地理志曰：南陽有望縣，王莽改之曰宜樂也。涪水又東南逕西鄂故城，東應劭曰：江夏有鄂，故加西也。昔劉表之攻杜子緒於西鄂也，功曹伯孝長聞戰鼓之音，懼而閉戶，蒙被自覆，漸登城而觀，言勇可習也。九州春秋曰：劉表攻西州


州長杜子緒守拒時，柏季長在城中，聞兵勢恐入，室牽被覆頭，攻半日，稍出面，明日側立而聽，一日出，問消息，三四日，負楯親關，謂子緒曰：勇可習者也。清水又南，洹水注之，水

出弘農郡盧氏縣之熊耳山，東南逕酈縣北，東南逕房陽城北。漢哀帝四年，封南陽太守孫寵爲侯，國俗謂之房陽川。又逕西鄂縣南，水北有張平子


水經注卷六

卷三十一

七



墓墓之東側墳有平子碑。文字悉是古文篆額。是
崔瑗之辭。盛弘之郭仲產並云。夏侯孝若為郡。薄
其文。復刊碑陰為銘。然碑陰二銘。乃是崔子玉及
陳翕耳。而非孝若。悉是隸字。二首並存。當無毀壞。
又言墓次有二碑。今唯見一碑。或是余夏還驛途。
疲而莫究矣。水南道側有二石樓。相去六七丈。雙
峙齊竦。高可丈七八。柱圓圍二丈有餘。石質青綠。
光可以鑒。其上鑿櫺承拱。魏都賦云。櫺櫺壘施。雕簷四柱。窮
巧綺刻。妙絕人工。題言蜀郡太守姓王。字子稚。南
陽西鄂人。有三女。無男。而家累千金。父沒。當葬。女
自相謂曰。先君生我姊妹。無男兄弟。今當安神玄
宅。翳靈后土。冥冥絕後。何以彰吾君之德。各出錢
五百萬。一女築墓。二女建樓。以表孝思。銘云。墓樓
東平林。不近墳墓。而不能測其處所矣。泝水又東。
南流。注于清水。世謂之肄。泝聲相近。非也。地理志
曰。熊耳之山。出三水。泝水其一焉。東南至魯陽。入
沔。是也。清水又南。逕潁山。東山上有神廟。俗名之
為獨山也。山南有魏車騎將軍黃權夫妻二冢。地
道潛通。其冢前有四碑。其二魏明帝立。二是其子
及臣吏所樹者也。清水又西南。逕史定伯碑。南又



西為瓜里津水上有二梁謂之瓜里渡自宛道途

東出赭陽而道方城建武三年世祖自赭陽西入

破虜將軍鄧奉後漢書鄧奉怨漢掠新野拒瓜里上親

搏戰降之夕陽下遂斬奉郡國志所謂宛有瓜里

野津夕陽聚者也阻橋即桓溫故壘處溫以升平

五年與范汪眾軍北討列營涪水按晉書穆帝本紀桓溫遣諸將

討河北在永和五年而范汪傳云桓溫北伐令汪率文武出梁國以失期免為庶人卒于家本紀范

汪之廢則在升平三年與此注互異又西南逕晉蜀郡太守鄧義山

墓南又南逕宛城東其地故申伯之國楚文王滅

申以為縣也秦昭襄王使白起為將伐楚取郢即

以此地為南陽郡改縣曰宛王莽更名郡曰前隊

縣曰南陽劉善曰在中國之南而居陽地故以為

名大城西南隅即古宛城也荆州刺史治故亦謂

之荆州城今南陽郡治大城其東城城內有舊殿

基周二百步高八尺陛階皆砌以青石大城西北


隅有基周一百步高五丈蓋更始所起也地西三

里有古臺高三丈餘文帝黃初中南巡行所築也

涪水又屈而逕其縣南故南都賦所言涪水蕩其

曾者也王莽地皇二年朱鮪等共於城南會諸將

設壇燔燎立聖公為天子於斯水上世語曰張繡



反公與戰敗子昂不能騎進馬於公而昂遇害魏志

豐愍王昂字子脩弱冠舉孝廉隨太祖南征為張繡所害魏書曰公征至宛臨

清水祠亡將士歔歔流涕眾皆哀慟清水又南梅

谿水注之水出縣北紫山南逕百里奚故宅奚宛

人也於秦為賢大夫所謂迷虞智秦者也紫谿又

逕宛西呂城東史記曰呂尚先祖為四嶽佐禹治

水有功虞夏之際受封於呂故因氏為呂尚也徐

廣史記音義曰呂在宛縣高后四年封昆弟子呂

恕為呂城侯疑即此也孫按史記呂后紀四年封呂念為呂城侯正義曰故

呂城在鄧州南陽縣西三十里呂尚先祖封又按新蔡縣有大呂小呂

亭而未知所是也梅谿又南逕杜衍縣東故城在

西案漢高帝七年封郎中王翳為侯國王莽更之

曰閏衍矣土地塾下湍谿是注古人於安衆場之

今遊水是瀦謂之安衆港世祖建武三年上自宛

遣潁陽侯祭遵西擊鄧奉弟衆破之於杜衍進兵

涅陽者也梅谿又南謂之石橋水又謂之汝谿之


流而左注清水清水之南又有南就聚郡國志所

謂南陽宛縣有南就聚者也郭仲產言宛城南三

十里有一城甚卑小相承名三公城漢時鄧禹等

歸鄉餞離處也盛弘之著荊州記以為三公置余


漢表亦作
呂念



水經注卷二十一
按清水左右舊有二澁所謂南澁北澁者水側之
澁聚在清陽之東北考古推地則近矣城側有范
蠡祠蠡宛人祠卽故宅也後漢末有范曾字子閔
爲大將軍司馬討黃巾賊至此祠爲蠡立碑文勒
可尋夏侯湛之爲南陽又爲立廟焉城東有大將
軍何進故宅城西有孔嵩舊居嵩字仲山宛人與
山陽范式有斷金契貧無養親賃爲阿街卒遣迎
式式下車把臂曰子懷道卒伍不亦痛乎嵩曰侯
嬴賤役晨門卑下之位古人所不恥何痛之有故
其讚曰仲山通達卷舒無方屈身廝役挺秀含芳

又屈南過清陽縣東

沈疑承
清水又南入縣逕小長安司馬彪郡國志曰縣有
小長安聚謝沈漢書稱光武攻清陽不下引兵欲
攻宛至小長安與甄阜戰敗於此清水又西南逕
其縣故城南桓帝延熹七年封鄧康爲侯國縣故
南陽典農治後以爲清陽郡省郡復縣避晉簡文
諱更名云陽焉清水又逕安樂郡北漢桓帝建和
六年封司徒胡廣爲清陽縣安樂鄉侯今於其國
立樂宅成郭仲產襄陽記曰南陽城南九十里有
晉尚書令樂廣故宅廣字彥輔也善清言見重當



時成都王廣女婿長沙王猜之廣曰寧以一女而
易五男猶疑之終以憂殞其故居今置戍因以為
名

又南過新野縣西

此下原有廿二字重出今刪去

清水又南入新野縣枝津分派東南出苞隰衍注
左積為陂東西九里南北一十五里陂水所溉咸
為良沃清水又南與湍水會又南逕新野縣故城
西世祖之敗小長安也姊元遇害上即位感悼姊
沒追謚元為新野節義長公主即此邑也晉咸寧
二年封大司馬扶風武王少子歆為新野郡公割

南陽伍屬

屬下當脫一字


陽蔡陽穰鄧山都封為王

按晉書新

野莊王傳云歆字弘舒太康中封新野縣公邑千八百戶惠帝本紀云永寧元年三月齊王問起兵計趙王倫而新野公歆皆舉兵應之四月倫伏誅明年為太安元年十二月成都王穎新野王歆同會洛陽請廢問還第知歆進封為新野王在文舒趙王倫伏誅之後也此注斷脫聊後備記之

山積未詳
脫誤多矣

更立中隔西即郡治東則民居城西傍清水又東
與朝水合水出西北赤石山而東南逕冠軍縣界
地名沙渠又東南逕穰縣故城南楚別邑也秦拔
鄢郢即以為縣秦昭王封相魏冉為侯邑王莽更
名曰豐穰也魏荊州刺史治朝水又東南分為二
水一水枝分東北為樊氏陂陂東西十里南北五



諸前漢書作

都字不誤更
記夏本紀大
野既都孔安
國曰水所傳
曰都

里俗謂之凡亭陂陂東有樊氏故宅樊氏既滅使

氏取其陂故彥曰陂汪汪下田良樊子失業庾公

昌後漢書注引此
作樊氏失業昔在晉世杜預繼信臣之業復

六門之陂遏六門之水下結二十九陂諸陂散流

咸入朝水事見六門碑六門既陂諸陂遂斷朝水

又東逕朝陽縣故城北而東南注于清水又東南

與棘水合水上承赭水赭水出棘陽縣北數源並

發南流逕小赭鄉謂之小赭水世祖建武二年成

安侯臧宮從上擊赭也東源方七八步騰湧若沸

故世名之騰沸水南流逕于赭鄉謂之赭水建武

二年祭遵引兵南擊董訢於赭鄉以水氏縣故有

赭陽之名也地理志曰縣有赭水王莽曰陽城也

漢哀帝改為順陽建武二年更封安陽侯朱祐為

赭陽侯赭水縣竭以為陂東西夾岡水相去五六

里古今斷岡兩舌都水潭漲孫云古今斷岡兩舌
當作左右斷岡兩舌

都水當作赭水岡外下垂陂陀而出者謂之舌蓋
削去陂陀之土接水連岡築堤潴水以成潭漲也


南北一十餘里水決南瀆下注為灣灣分為二西

為赭水東為榮源赭水參差流結兩湖故有東陂

西陂之名二陂所導俱水枝分東南至會口入泚

是以地理志云泚水赭水皆言入蔡互受通稱故

水經注卷三十一




也二湖流注合為黃水謂所受焉逕棘陽縣之黃
 淳聚又謂之為黃淳水者也故謝沈漢書甄阜等
 敗光武于小長安東乘勝南渡黃淳水前營皆阻
 兩川謂臨泚水絕後橋示無還心漢兵擊之二軍
 潰溺死黃淳水者二萬人又南逕棘陽縣故城西
 應劭曰縣在棘之陽是知斯水為棘水也漢高帝
 七年封莊得臣為侯國孫云按史記年表棘陽莊侯杜得臣後漢兵
 起擊唐子鄉一作鄉殺湖陽尉進拔棘陽鄧晨將賓
 客會光武于此縣也棘水又南逕新野縣歷黃郵
 聚世祖建武三年傅俊岑彭進擊秦豐先拔黃郵

者也謂之黃郵水大司馬吳漢破秦豐於斯水之
 上其聚落悉為蠻居猶名之為黃郵蠻棘水自新
 野縣東而南流入于清水謂之為力口也棘力聲
 相近當為棘口也又是方俗之音故字從讀變若
 世以棘子木為力子之木也舊本誤以灑水東北
 流枝漬右出殺入此
注今據宋本改正清水又東南逕士林東戍名也戍有邸
 閣水左有豫章大陂下灌良疇三千許頃也

西過鄧縣東南

縣故鄧侯吾離之國也楚文王滅之秦以為縣清
 水右合濁水俗謂之弱溝水上承白水於朝陽縣




東南流逕鄧縣故城南習鑿齒襄陽記曰楚王至
鄧之濁水去襄陽二十里卽此水也濁水又東逕
鄧塞者卽鄧城東南小山也先後名之爲鄧塞昔
孫文臺破黃祖於其下濁水東流注于涪涪水又
南逕鄧塞東又逕鄧城東古鄧子國也蓋鄧之南
鄙也昔巴子請楚與鄧爲好鄧人奪其幣卽是邑
也司馬彪以爲鄧之鄧聚矣

灑水出灑強縣南澤中東入潁

灑水出潁川陽城縣少室山東流注于潁水而亂
流東南逕臨潁縣西北小灑水出焉東逕臨潁縣

故城北灑水又東逕灑陽城北又東逕灑強縣故
城南建武元年世祖封楊化將軍堅鐔爲侯國灑
水東爲陶樞陂余案灑陽城在灑水南然則此城
正應爲灑陰城而有灑陽之名者明在南猶有灑
水故此城以陽爲名矣潁水之南有二瀆其南瀆
東南流行歷臨潁亭西東南入汝今無水也疑卽
灑水之故瀆矣汝水於奇額城西別東派時人謂
之灑水東北流枝瀆右出世謂之汝汝也別汝又
東北逕召陵城北練溝出焉別汝又東汾溝出焉
別汝又東逕征羌城北水南有汾陂俗音糞汾水



乃系注卷一 卷三十一 十五 三百五
有別汝東注而為此陂水積征羌城北四五里方
三十里許瀆左合小瀝水水上承狼陂南流名曰
鞏水清陵陂水自陂東注之東迴又謂之小瀝水
而南流注于大瀝水大瀝水取稱蓋藉瀝汾注而
惣受巨宋本日矣又東逕西華縣故城南又東逕
汝陽縣故城北東注于潁

濯水出汝南吳房縣西北與山東過其縣北入于汝
縣西北有堂谿城故房子國春秋定公五年吳王
闔閭弟夫概奔楚封之於堂谿故曰吳房也漢高
帝八年封莊侯楊武為侯國建武中世祖封泗水

王歙子燁為堂谿侯

後漢書泗水王劉歙字經孫光武族父也建武二年立歙


為泗水王十年封小子燁為堂谿侯


山谿有白羊淵淵水舊出山羊

克家云當作白羊漢武帝元封二年白羊出北淵畜牧者
禱祀之俗禁拍手嘗有羊出水野母驚仆自此絕
焉淵水下合濯水濯水東逕濯陽縣故城西東流
入瀕水亂流逕其縣南世祖建武元年封吳漢孫
且為侯國其水又東入于汝水

瀕水出撫陰縣東上界山

山海經謂之視水也郭景純注或曰視宜為瀕出
崱山許慎云出中陽山皆山之殊目也而東與此





水合水出無陰縣草山宋本作旱山東北流注觀瀨水

又東北殺水出西南大孰舊本作大熟之山東北流入

于觀瀨水又東淪水注之水出宣山南東流注觀

水孫云山海經出宣山東南流注觀水觀水又東得奧水口水西出

奧山東入于觀水也

東過吳房縣南又東過濯陽縣南

應劭曰濯水出吳房縣東入觀縣之西北即兩川

之交會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東流于滎孫按山海經東

南流注于滎經書扶予者其山之異名乎滎水上承赭

水東流左與西遼水合又東東遼水注之俱導北

山而南流注于滎滎水又東北於無陰縣北左會

無水之道稍西不出其縣南其故城在山之陽漢

光武建武中封岑彭為侯國漢以為陽山縣魏武

與張繡戰于宛馬名絕景為流矢所中公傷右臂

引還無陰即是地也城之東有馬仁陂郭仲產曰


陂在泚陽縣五十里蓋地百頃其所周溉出萬頃

隨年變種境無儉歲陂水三周其隍故濟自隍西

前漢書作舞陰

南而會於泚。無水不得復逕其南也。且邑號無陰。故無出南之理。出南則為陽也。非直不究。又不思矣。無水又東北。河水注之。水出雉衡東山南。逕建城東。孫按漢書地理志南陽郡雉縣注云衡山澧水所出。東至鄧入泚。此河水誤。當作澧水。建當為卷。字讀誤耳。郡國志云葉縣有卷城。其水又東流入于無。無水東北逕于東山西。西流入無。無水之左。即黃城山也。水出黃城山東北。逕方城。郡國志曰葉縣有方城。郭仲產曰苦萊于東之間。有小城名方城。東臨谿水。尋此城致號之由。當因山以表名也。苦萊即黃城也。及于東。通為方城矣。

世謂之方城。山水東流注無水。故地理志曰南陽葉方城。邑西有黃城山。是長沮桀溺耦耕之所有。東流水則子路問津處。尸子曰楚狂接輿耕於方城。蓋於此也。盛弘之云葉東界有故城。始犇縣東至觀水。達當作泚陽界。南北聯絡數百里。御覽玉海及舊本皆作聯絡數百號為方城。一謂之長城。云酈縣有故城。一面未詳里數。號為長城。即此城之西隅。其間相去六里。御覽及宋本俱作相去六百里若南北雖無基築。皆連山相接。而漢水流其南。故屈完答齊桓公云。楚國方城以為城。漢水以為池。郡國志曰葉縣有



長城曰方城。指此城也。濩水又東北。歷舞陽縣故城南。漢高祖元年。按年表是六年封樊噲為侯國也。

又東過西平縣北

縣故栢國也。春秋左傳所謂江黃道栢方睦於齊也。漢曰西平。其西呂墟即西陵亭也。西陵平夷。故曰西平。漢宣帝甘露三年。封丞相于定國為侯國。王莽更之曰新亭。晉太康地理志曰縣有龍泉。水可以砥礪刀劍。特堅利。故有堅白之論矣。是以龍泉之劍為楚寶也。縣出名金。古有鐵官。

又東過鄆縣南


鄆縣故城。去此遠矣。不得過。

又東過定賴縣北。東入于汝。

漢安帝永初二年。分汝南郡之上蔡縣置定賴縣。延光中。以陽翟郭鎮之為尚書令。封定賴侯。即此邑也。

汝水出蔡陽縣

汝水出縣東南大洪山。山在隋郡之西南。竟陵之東北。槃基所跨。廣圓一百餘里。峰曰縣鈞。處平縣衆阜之中。為諸嶺之秀。山下有石門。夾鄆層峻。巖高皆數百許仞。入石門。又得鍾乳穴。穴上素崖壁。




立。非人跡所及。穴中多鍾乳。凝膏下垂。望齊冰雪。微津細液。滴瀝不斷。幽穴潛遠。行者不極窮。深而穴內常有風熱。舊本作穴內常有風熱。吳本改作風熱。火無能以經久故也。澗水出于其陰。初流淺狹。遠乃廣厚。可以浮舟楫。巨川矣。時人以澗水所導。故亦謂之為澗山矣。澗水東北流。合石水。石水出大洪山東北流。注于澗。謂之小澗水。而亂流東北。逕上唐縣故城南。本蔡陽之上唐鄉。舊唐侯國。春秋定公三年。唐成公如楚。有兩蕭霜。馬子常欲之。弗與。止之三年。唐人竊馬而獻之。子常歸唐侯。是也。澗水又東北。

水注之水出洪山東北流。逕土山北山上。山上二字疑土山又東北流入于澗水。澗水又屈而東南流。東南逕隋縣西。

王山下有
脫法

縣故隋國矣。春秋左傳所謂漢東之國。隋孫云大傳作隨為大者也。楚滅之。以為縣。晉武太康中。立為郡。有澇水出縣西北。黃山南。逕瀲西縣西。又東南。瀲水入焉。瀲水出桐栢山之陽。呂忱曰。水在義陽。瀲水東南。逕瀲西縣西。又東南流于澇。澇水又東南。逕隋縣故城西。春秋魯莊公四年。楚武王伐隋。令孫云今尹鬬祁莫敖屈重除道。梁澇軍臨于隋。謂此



水也。水側有斷蛇丘。隋侯出而見大蛇中斷，因舉而藥之，故謂之斷蛇丘。後蛇銜明珠報德，世謂之隋侯珠，亦曰靈蛇珠。高誘淮南子注云：隨侯見大蛇傷斷，以藥傅而塗之，後蛇於大江中銜珠以報之，因曰隋侯之珠。丘南有左傳季良大夫池，其水又南與義井水合。水出隋城東南井泉，嘗湧溢而津注，冬夏不異。相承謂之義井。下流合澹澹水，又南流注于澨。澨水又會于支水，水源亦出大洪山而東流，注于澨。澨水又逕隋縣南，隋城山北而東南注。

又南過江夏安陸縣西

遼水


務云當作隨水


出隋郡永陽縣東石龍山西北流南

迴逕永陽縣西，歷橫尾山，即禹貢之陪尾山也。遼水又西南至安陸縣故城西，故鄖城也。因岡為壟，峻不假築。澨水又南逕石巖山北。昔張昌作亂於其下，籠彩鳳以惑衆。晉太安二年，鎮南將軍劉弘遣牙門皮初與張昌戰於清水，昌敗，追斬於江。

舊本作斬於江矣。吳本改作斬於江夏埤。按晉書劉弘傳云：追斬張昌于下雋山。即春秋

左傳定公四年，吳敗楚于柏舉，從之及于清發，蓋澨水又東南流而右會富水，出竟陵郡新市縣東北。大陽山水有二源也。大富水出山之陽南流而





左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大

富水俗謂之大泌水也又西南流逕社城西漢

江夏郡有雲杜縣杜城疑誤新市縣治也郡國志以為南新市

也中山有新市故此加南分安陸立縣又王匡中

興初舉兵於縣號曰新市兵者也富水又東南流

於安陸界左合土山水世謂之章水水出土山南

逕隨郡平林縣故城西俗謂之將陂城與新市接

界故中興之始兵有新市平林之號又南流右入

富水富水又東入于澗澗又逕新市城南

年晉大司馬桓溫築澗水又會溫水溫水出竟陵

之新陽縣東澤中口徑二丈五尺垠岸重沙端

可愛靖以察之則淵泉如鏡聞人聲則揚湯奮發

無所復見矣其熱可以燂雞洪瀏百餘步冷若寒

泉東南流注于澗水又右得澗水水出江夏郡之

山陵縣西北潼山東南流逕其縣南縣治之潼故

城圓而不方東入安陸注于澗水

南入于夏

又南分為二水東通澗水西入于澗謂之澗

水經注箋卷第三十二

漢 桑欽撰

魏 酈道元注

明 李長庚訂

孫汝澄

朱謀瑋箋

李克家全校

洩水

蘄水

決水

泚水

泄水

肥水

施水

沮水

漳水

夏水

羌水

涪水


澧水

涪水

滌水出江夏平春縣西

滌水北出大義山南至厲鄉西賜水入焉水源東

國家圖書館, NATIONAL CENTRAL LIBRARY, TAIWAN, R.O.C.



出大紫山分爲二水一水西逕厲鄉南水南有重山郎烈山也山下有一穴父老相傳云是神農所處也故禮謂之烈山氏水北有九井子書所謂神農既誕九井自穿謂斯水也盛弘之荊州記云北重陂周之廣一頃十畝內有地云神農宅又言汲一井則衆水動井今堙塞遺迹髣髴存焉亦云鄉故賴國也有神農社賜水西南流入于潒郎厲水也賜厲聲相近宜爲厲水矣一水出義鄉西南入隋又注潒潒水入南逕隋縣注安陸也

南過安陸入于潒

蘄水出江夏蘄春縣北山

山郎遊柳也宋本作蘄柳也水首受希水枝津西南流歷

蘄山出蠻中故以此蠻爲五水蠻水郎謂巴水也

又赤亭水西歸水蠻左馮居岨藉山川世爲抄暴


宋世沈慶之於西陽上下誅伐蠻夷郎五水蠻也


南過其縣西

晉改爲蘄陽縣縣從江州置大陽戍後齊安郡移治於此也

又南至蘄口南入于江

蘄水南對蘄陽州入于大江謂蘄山洲上有蘄陽





縣徒

決水出廬江雩婁縣南大別山

名之為檀山峴蓋大別之異名也其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及雩婁聞吳有備而還是也晉書地道記云在安豐縣之西南即其界也故地理志曰決水出雩

孫云當作決水出雩婁


又北過安豐縣東

決水自雩婁縣北逕雞備亭春秋昭公二十三年吳敗諸侯之師于雞父者也安豐縣故城今邊城郡治也王莽之美風也世祖建武八年封大將軍涼州牧竇融為侯國晉立安豐郡決水自縣西北流逕蓼縣故城東又逕其北漢高帝六年封孔聚為侯國也史記功臣表高帝六年封孔聚為蓼侯漢書功臣表作孔聚世謂之

決水也水又西北灌水注之其水導源廬江金蘭縣西北東陵鄉大蘇山即注水也孫云當作灌水許慎曰

出雩婁縣俗謂之澮水也褚先生所謂神龜出于江灌之間嘉林之中蓋謂此水也今龜筮傳云神龜出于江淮之

當是史記傳寫誤耳



灌蓋所見之本各異耳間嘉林少此注作江灌水東北逕蓼縣故城西

而北注決水也故地理志曰決水北注蓼入灌灌

於蓼亦入決孫按漢地理志云決水北至蓼春

秋宣公八年冬楚公子滅舒蓼滅文仲聞之曰臯

陶庭堅不祀忽諸德之不逮民之無援哀哉按左傳文

公五年冬楚公子燹滅蓼滅文仲聞之有臯陶庭堅不祀之歎至宣公八年夏楚人滅舒蓼自是兩

又北入于淮

俗謂之決口非也斯決灌之口矣余往因公至于

淮津舟車所屆次于決水訪其民宰與古名全違

泚水出廬江瀟縣西南霍山東北

瀟者山水名也開山圖瀟山圍繞大山為霍山爾雅

大山宮小山曰霍郭注云宮謂圍繞之郭景純曰瀟水出焉縣即其

稱矣春秋昭公二十七年吳因楚喪圍瀟是也地理志曰泚水出泚山不言霍山泚字或作泚水孫云

按漢志泚山泚水所出北至壽春入芍陂師古曰泚音比又音布几反又東北逕博安縣泄水出焉

東北過六縣東

潁水東北右會踰鼓川水水出東南踰川西北流

左注潁水潁水又西北逕馬亭城西宋本作馬亭又西

北逕六安縣故城西縣故咎陶國也夏禹封其少

子奉其祀今縣都陂中有大家民傳曰公琴者即

臯陶冢也楚人謂冢為琴矣漢高帝元年別為衡

山國五年屬淮南文帝十六年復為衡山國武帝

元狩二年別為六安國王莽之安風也漢書所謂

以舒屠六晉太康三年廬江郡治潁水又西北分

為二水出焉又北逕五門亭西西北流逕安豐縣

故城西晉書地道記安豐郡之屬縣也俗名之曰

安城矣又北會濡水亂流西北注之

北入于淮


水之決會謂之泚口也

泄水出博安縣

博安縣地理志之博鄉縣也王莽以為揚陸矣泄

水自縣上承北水於麻步川西北歷山濡谿謂之

濡水也



北過芍陂西與泚水合

泄水自濡谿水

宋本作濡谿

安豐縣北流注于淠一謂

之其濡口

西北入于淮

亂流同國也

宋本作同歸也

肥水出九江成德縣廣陽鄉西

呂忱字林曰肥水出長餘山俗謂之連枷山亦或

以為獨山也北流分為二水施水出焉肥水又北

逕獲城東又北逕荻江東宋本作石會施水枝津

首受施水於合肥縣城東西流逕成德縣注于肥

水也

肥水別北過其縣西北入芍陂

肥水自荻丘北逕成德縣故城西王莽更之曰平

阿也又北逕芍陂東又北逕苑馬塘東芍陂瀆上

承井門與芍陂更相通注故經言入芍陂矣肥水


東北表合閭潤水謝據宋本作肥水上承施水於


合肥縣北流逕復道縣西水積為陽湖陽湖水自

塘西北逕苑馬亭南夾橫塘西注宋太始初豫州

司馬劉順帥眾八千據其城地以拒劉劭杜叔寶

以精兵五千送糧苑馬劉劭破之此塘宋書殷琰傳云晉安





文字行張休
事見吳書顧

王子勛入殷琰佐之宋太宗遣劉勛討之劉勛柳
倫等馬步八千東據宛唐去壽陽三百里勛率眾
軍去順數里而營順等糧盡趙叔寶發車千五百
乘載米餉順自以五千精兵防送之勛遣呂安國
黃回將精兵間路出順後於橫塘之合戰大破
之燒其米車驅牛二千餘頭而還順眾夜潰奔壽
陽水分為澗二洛澗出焉閭漿水注之水受芍陂

陂水上承澗水於五門亭南別為斷神水又東北

逕五門亭東亭為衆水之會也宋本作二斷神水

又東北逕神迹亭東又北謂之豪水雖廣異名事

實一水又東北逕白芍亭東積而為湖謂之芍陂

陂周一百二十許里在壽春縣南八十里言楚相

孫叔敖所造魏太尉王陵與吳將張休文戰於芍

陂即此處也陂有五門吐納川流西北為香門陂

水北逕孫叔敖祠下謂之芍陂瀆又北分為二水

一水東注黎漿黎漿水東逕黎漿亭南文欽之叛

吳軍北入諸葛緒拒之於黎漿即此水也魏志諸葛緒在

壽春被徵為司空遂舉兵反殺揚州刺史樂綝遣人至吳求救吳遣全禪等與文欽俱來吳將朱異以誕被圍再以大衆來迎誕等渡黎漿水此云諸葛緒拒之於黎漿所未詳也東注肥水

謂之黎漿水口

又北過壽春縣東

肥水自黎漿北逕壽春縣故城東為長瀨津津側

有謝堂北亭迎送所薄水陸舟車是焉萃止又西

系乙卯通公
山見草不都
無心竊訝之
明江東公
已然也

北左合東谿谿水引瀆北山西南流逕導公寺西
寺側因谿建刹五層屋宇閒敞崇虛携覺也携覺字誤
當作又西南流注于肥肥水又西逕東臺下臺即
壽春外郭東北隅阿之榭也東側有一湖三春九
夏紅荷覆水引瀆城隍水積成潭謂之東臺湖亦
肥南播也肥水西逕壽春縣城北右合北谿水導
北山泉源下注漱石頽隍水上長林挿天高柯負
日出於山林精舍右山淵寺左道俗嬉遊多萃其
下內外引汲泉同七淨谿水公注西南逕陸道士
解南精廬臨側川谿大不為廣小足閒居亦勝境

也谿水流注于肥水

北入于淮


肥水又西分為二水右即肥之故瀆遏為船官湖
以置舟艦也肥水左瀆又西石橋門北亦曰草市
門外有石梁渡北洲宋本作洲洲上有西昌寺寺三

面阻水佛堂設三像真容妙相相服精緯舊本作相服精緯
是蕭武帝所立也寺西即船官坊倉光都水史記

對八公山山無樹木唯重阜耳宋本作童阜山上有淮


南王劉安廟劉安是漢高帝之孫厲王長子也折

水經注卷之八



節下士篤好儒學養方術之徒數十人皆為俊異
焉多神仙祕法鴻寶之道忽有八公皆鬚眉皓素
詣門希見門者曰吾王好長生今先生無住衰之
術未敢相聞八公咸變成童王甚敬之八士並能
鍊金化丹出入無間乃與安登山埋金於地白日
昇天餘藥在器雞犬舐之者俱得上昇其所昇之
處踐石皆陷人馬跡存焉故山即以八公為目余
登其上人馬之跡無聞矣唯廟像存焉廟中圖安
及八士像皆坐牀帳如平生被服纖麗咸羽扇裙
帔巾壺枕物一如常居廟前有碑齊永明十年所

建也山有隱室石井即崔琰所謂余下壽春登北
嶺淮南之道室八公石井在焉亦云左吳與王春
傅生等尋安同詣玄洲還為著記號曰八公記都
不列其雞犬昇空之事矣按漢書安反伏誅葛洪
明其得道事備抱朴子及神仙傳肥水又左納葛
陂瀆瀆水自黎漿分水引瀆壽春北逕芍陂門右
北入城昔鉅鹿時苗為縣長是其留犢處也魏略
苗為壽春令始至乘輿黃犢後歲餘牛生瀆東有
犢及去任留犢與主簿曰是淮土所生也東都街街之左道北有宋司空劉劭廟宋元徽二
年建于東鄉孝義里廟前有碑時年碑功方劭齊




永明元年方立沈約宋書太始元年豫州刺史
 殷琰叛明帝假勳輔國將軍琰討之琰降不犯秋毫
 百姓來蘇生為立碑文過其實建元四年故吏顏
 幼明為其廟銘故佐一作龐璉為廟讚夏侯敬友
 為廟頌並附刊于碑側瀆水又北逕相國城東劉
 武帝伐長安所築也堂宇廳館仍故以相國為名
 又北出城注肥水又西逕金城北又西左合羊頭
 谿水水受芍陂西北歷羊頭谿謂之羊頭澗水北
 逕屢湖左會烽火瀆瀆受淮於烽火村南下注羊頭
 谿側逕壽春城西又北歷象門自沙門北出金城


西門逍遙樓下北注肥瀆肥水北注舊瀆之橫塘
 為玄康南路馳道左通船官坊也肥水逕玄康城
 西北流水北出際有曲水堂亦嬉遊所集也又西
 北流昔在晉世謝玄北禦苻堅祈謝云疑八公山
 及置陣於肥水之濱堅望山上草木咸為人狀此
 即故戰敗處非八公之靈有助蓋苻氏將亾之惑
 也肥水又西北注于淮是曰肥治也宋本作肥口
 施水亦從廣陽鄉東南入于湖

施水受肥於廣陽鄉東南流逕合肥縣應劭曰夏
 水出城父東南至此與肥合

孫按漢志夏水出城父城東南至此與淮合

肥水觀之
 以文蓋前月之本





故曰合肥闕駟亦言出沛國城父東至此合為肥

余案川川字誤當作川流派別無泝注之理方知應闕

二說非實證也蓋夏水暴長施合於肥故曰合肥

也非謂夏水自城父東逕合肥縣城南居四水中

東又有逍遙津水上舊有梁孫權之攻合肥也張

遼敗之於津北橋不撤者兩版權與其寧蹴馬趨

津谷利自後著鞭助勢遂得渡梁凌統被鎧落水

後到追吳志云孫權征合肥未下撤軍還兵皆就路權與凌統其流涕津渚

寧等在津北為魏將張遼所襲統等以死扞權

乘駿馬越津橋得去凌統傳云統率親近三百人

陷圍扶扞權出後還戰左右盡死統被甲潛行及

權痛親近無反者悲不自勝江表傳云權乘駿馬

利利節亭侯施水又東分為二水枝水北出焉下注陽淵

施水又東逕湖口戍東注巢湖謂之施口也

沮水出漢中房陵縣淮水東南過臨沮縣界

沮水出東汶陽郡沮陽縣西北景山即荆山首也

高峰霞舉峻嶮層雲山海經云金玉是出亦沮水

之所導故淮南子曰沮出荆山高誘云荆山在左

馮翊懷德縣蓋以洛水有漆沮之名故也斯謬證

耳杜預云水出新城郡之西南發阿山蓋山異名

也沮水東南流逕沮陽縣東南縣有潼水東逕其

此恐与無同

自城父以下有脫誤

此字疑誤當作及

汶陽未詳

味疑作疎


郭景純遊仙詩所謂青谿
千餘仞者即
此也注云景
祇嘗作臨沮
縣故詩嘆青
谿之美


縣南下入沮水水又東南逕汶陽郡北即高安縣
界郡治錫城縣居郡下城故新城之下邑義熙初
分新城立西表悉重山也沮水南逕臨沮縣西青
谿水注之水出縣西青山山之東有濫泉即青谿
之源也口徑數丈其深不測其泉甚靈潔至於炎
陽有亢陰雨無時以穢物投之輒能暴雨其水導
源東流以源出青山故以青谿為名尋源浮谿奇
為深峭盛弘之云稠木俯生凌空交合危樓傾岳
巖作恒有落勢風泉傳響於青林之下巖後流聲
於白雲之上遊者常若疑作目不周翫情不給賞

黃注誤其德

暖字通滿

是以林徒棲託雲客宅心泉側多結道士精廬焉
青谿又東流入于沮水沮水又屈逕其縣南晉咸
和中為沮陽郡治也沮水又東南逕當陽縣城北
縣城因岡為阻北抗沮川其故城在東一百四十
里謂之東城在綠林長坂南長坂即張翼德橫矛
處也沮水又東南逕驢城西磨城東又南逕麥城
西昔關雲長詐降處自此遂叛吳志呂蒙偽稱病
篤乃露檄召還潛
遣蒙伏精兵購臚中作商賈服到南郡襲羽盡得
羽及將士家屬羽在樊城聞之使士無鬪心羽自
知孤窮乃走麥城西至漳鄉眾皆委羽而降權以是父子俱獲傳云子胥造驢磨
二城以攻麥邑沮水又南逕楚昭王墓東對麥城





水經注卷之

卷三

一三

九

故王仲宣之賦登樓云西接昭丘是也沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水出臨沮縣東荆山東南過蓼亭又東過章鄉南

源鄉以音書地理志

荆山在景山東一百餘里新城沛鄉縣界雖羣峰競舉而荆山獨秀漳水東南流又屈西南逕編縣

南縣舊城東北一百四十里高陽城西南移治許

彰字疑作漳

茂故城城南臨漳水又南歷臨沮縣之彰鄉南昔

關羽保麥城詐降而逃潘璋斬之於此漳水又南

逕當陽縣又南逕于麥城東王仲宣登其東南隅

臨漳水而賦之曰夾清漳之通浦倚曲沮之長洲

是也漳水又南滄水注之山海經曰滄水出東北

宜諸之山而流注于漳水孫云按山海經滄水南流注于漳漳水東南流

注于

又南至枝江縣北鳥扶邑入于沮

地理志曰禹貢南條荆山在臨沮縣之東北漳水

所出東至江陵入楊水注于沔非也今漳水於當

陽縣之東南一百里餘而右會沮水也

水經注卷之

卷三

九

夏水出江流于江陵縣東南


江津豫章口東有中夏口是夏水之首江之汜也
屈原所謂過夏首而西浮顧龍門而不見也龍門
即郢城之東門也

又東過華容縣南

縣故容城矣春秋魯定公四年許遷于容城是也
北臨中夏水自縣東北逕成都郡故城南晉永嘉
中。西蜀阻亂割華容諸城為穎王都夏水又逕交
阨太守胡寵墓北漢太傅廣身陪陵而此墓側有
廣碑故世謂廣冢非也其文言是蔡伯喈之辭歷

登樓賦即有
北弥陶牧之
文但此臺非

范西戎墓南王隱晉書地道記曰陶朱冢在華容
縣樹碑云是越之范蠡晉太原地記盛弘之荊州
記劉澄之記並言在縣之西南郭仲產言在縣東
十里檢其碑題云故西戎令范君之墓碑文缺落
不詳其人稱蠡是其先也碑是永嘉二年立觀其
所述最為究悉似親逕其地故違眾說從而正之
水又東逕監利縣南晉武帝太康五年立縣土卑
下澤多陂池西南自州陵東界逕于雲杜沌陽為
雲夢之藪矣韋昭曰雲夢在華容縣按春秋魯昭
公三年鄭伯如楚子產備田具以田江南之夢郭



八分竟與競相似

景純言華容縣東南巴丘湖是也杜預云枝江縣安陸縣有雲夢蓋跨川亘隰兼苞勢廣矣夏水又東夏楊水注之水上承楊水於競陵縣之柘口云克家東南流與中夏水合謂之夏楊水又東北逕江夏惠懷縣北而東北注


又東至江夏雲杜縣入于沔

應劭十三州記曰江別入沔為夏水源夫夏之為名始於分江冬竭夏流故納厥稱既有中夏之目亦苞大夏之名矣當其決水之所出謂之堵口焉鄭玄注尚書滄浪之水言今謂之夏水來同故世

變名焉劉澄之著永初山川記云夏水古文以為滄浪漁父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文余亦以為非也自堵口下宋本沔水作沔通兼夏日而會于江謂之夏沔也故春秋左傳稱吳伐楚沈尹射奔命夏沔也杜預曰漢水曲入江即夏口矣

羌水出羌中叅糧係按漢志引水經云羌水出羌中叅谷

彼俗謂之天池白水矣地理志曰出隴西羌道東南流逕宕昌城東西北去天池五百餘里水又東



其林云魏書霍
浩傳浩字吉人
多託寫意就章
必稱馮代強以
示不敢犯國史
於馮代疆下注
曰疑按急就滿
有馮漢強魏
本胡人以漢疆
為障初國號曰
魏魏初國號曰
代故也郡道元
水經注以廣漢
並作廣魏即
此例也

水經注卷之

卷之二

三

三百八十七

南逕宕昌婆川城東南北注羌水昔姜維之寇隴
右也聞鍾會入漢中引還知雍州刺史諸葛緒屯
橋頭從此谷將出北道緒邀之此路維更從此道
渡橋頭入劔閣緒追之不及羌水又東南陽部水
注之水發東北陽部谿西南逕安民戍又西南注
羌水又東南逕武階城西南又東南葭蘆城西羊
湯水入焉水出西北陰平北界湯谿東南逕北部
城北又東南逕三部城南東南右妾水一作合傍
西南出郎水源所發也羌水又逕葭蘆城南逕餘
城南又東南左會五謝按案木水有二源出

南北五部谿西南流合為一水屈而東南注羌水
羌水又東南流至橋頭合白水東南去白水縣故
城九十里

又東南至廣魏白水縣與漢水合又東南過巴郡閬
中縣又南至墊江縣東南入于江充家云廣魏字誤
涪水出廣魏涪縣西北


涪水出廣漢屬國剛氏游徼外東南流逕涪水西
孫按漢書地理志廣漢郡剛氏道注此王莽之統
當作剛氏道徼外東南流逕涪縣西
睦臧宮進破涪城斬公孫恢於涪自此水上縣有
潺水出潺山水源有金銀礪當作洗取火合之以

水經注卷之二

卷之二

三

北



成金銀潺水歷潺亭而下注涪水涪水又東南逕
縣竹縣北臧宮溯涪至平陽公孫述將王元降遂
拔縣竹涪水又東南與建始水谷水發平洛郡西
谿西南流屈而東西流入于涪涪水又東南逕江
油戍北鄧艾自陰平景谷步道懸兵束馬入蜀逕
江油廣漢者也涪水又東南逕南安郡南又南與
金堂水會水出廣漢新都縣東南流入涪涪水又
南枝出焉西逕廣漢五城縣為五城水又西至咸
都入于江

南至小廣魏與梓潼合

小廣魏即廣漢縣地王莽更名曰廣信也

梓潼水出其縣北界西南入于涪

故廣漢郡也公孫述改為梓潼郡劉備嘉霍峻守

葭萌之功又分廣漢以北別為梓潼郡以峻為守

縣有五女蜀王遣五丁迎之至此見大蛇入山穴


五丁引之山崩壓五丁及五女因是氏一作山為五

婦山又曰五婦候華陽國志云周顯王時秦惠王

之蜀遣五丁迎女還到梓潼見一大蛇入穴中一

人攬其尾五人相助大呼摧蛇山崩時壓殺五人

及秦五女并將從而山分為五嶺蜀王痛馳水所
傷因命曰五婦冢山川平石上為望婦候馳水所
出一曰五婦水亦曰潼水也其水導源南逕梓潼



縣王莽改日子同矣自縣西逕涪城東又南入于涪水謂之五婦水口也

又西南至小廣魏縣南入于墊江孫云小廣漢衍一縣當作

亦言涪水至北入漢水亦謂之為內水北逕墊江

昔岑彭與臧宮自江州從涪水上公孫述令延岑

盛兵於沈水一作沅水光武紀作沈水宮左步右騎夾船而進

勢當作動山谷大破岑軍斬首溺水者萬餘人水

為濁流據後漢書臧宮傳校沈水出廣漢縣下入涪水也

涪水出漢中南縣東南旱山北至沔陽縣南入于沔

按漢志南鄭縣有旱山

涪水即黃水也東北流逕城固南城北城在山上

或言韓信始立或言張良創築未知定所制矣義

熙九年索遐為果州刺史自城固治此故謂之南

城城周七里今澗當作帶谷絕壁百尋北谷口造


城東門傍山尋澗五里有餘盤道登陟方得城治

城北水舊有桁北渡涪水水北有趙軍城城北又

有桁渡沔取北城城即大城固縣治也黃水右岸

有悅歸館涪水歷其北北至沔陽左沔為三水口

也




國家圖書館 NATIONAL CENTRAL LIBRARY



重九日丙夜閣是日陰晦登高遠廢酒無酒可飲菜羹之
會亦不成歡東坡詩云酸酒如薑湯甜酒如蜜汁三年黃
州城飲酒但飲濕吞乃硬差排學得此飲酒法也

九


卷三




一百七十四







國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.





水經注箋卷第三十三

漢 桑欽撰

後魏酈道元注

明 李長庚訂

孫汝澄

朱謀煒箋

李克家全校

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼


外江水所導也益州記曰大江泉源即今所聞始

發羊膊嶺下緣崖散漫小大百數殆未濫觴矣東

南下百餘里至白馬嶺而歷天彭闕亦謂之為天



國家圖書館, NATIONAL CENTRAL LIBRARY, TAIWAN, R.O.C.



水經注箋

卷第三十三

良


元延是成帝
紀元以漢書

谷也。秦昭王以李冰為蜀守，冰見氏道縣有天彭關，山兩山相對，其形如闕，謂之天彭門，亦曰天彭關。江水自此已上至微弱，所謂發源濫觴者也。荀子曰：江出汶山，其始發源，可以濫觴，及其至江之津，不方舟不避風，不可涉也。漢延乘中岷山崩，壅江水三日不流。楊雄反離騷云：自岷山投諸江流，以弔屈原，名曰反騷也。

江水自天彭關東逕汶關而歷氏道縣北。

漢武帝元封四年，分蜀郡北部置汶山郡以統之。縣本秦始皇置，後為昇遷縣也。益州記曰：自白馬嶽回行二千餘里至龍涸，又八十里至西陵縣，又

南下六十里至石鏡，又六十餘里而至北部，始百許步，又西百二十餘里至汶山故郡，乃廣二百餘步，又西南百八十里至濕坂，江稍大矣。故其精則井絡纏曜，江漢昞靈，河圖括地象曰：岷山之精上為井絡。帝以會昌神，以建福。故書曰：岷山導江，泉流深遠，盛為四瀆之首。廣雅曰：江貢也。風俗通曰：出珍物，可貢獻，釋名曰：江共也。小水流入其中，所公共也。東北百四十里，岷山中，江所出，東注于大。江，岷山，邛崃山也。在漢嘉嚴道縣，一曰新道山，南有九折坂。夏則凝冰，冬則毒寒。王子陽按轡處也。



漢書王尊字子贛涿郡高陽人自郿令遷益州刺史先是琅邪王陽為益州行部至邛郯九折阪歎曰奉先人遺體奈何數乘此險後以病去及尊為刺史至其阪問曰此非王陽所畏道邪吏曰是尊叱其馭曰驅之王陽為孝子王尊為忠臣平恒言是中江所出矣郭景純江賦曰流二江於嵯岷又東百五十里曰嵯山北江所出東注于大江山海經曰嵯山江水出焉東注大江其中多怪蛇江水又逕汶江道汶出徼外嶠山西玉輪坂下而南行又東逕其縣而東注于大江故蘇代告楚曰蜀地之甲浮船於汶乘夏水而下江五日而至郢謂是水也

又有湍水入焉

水出綿道亦曰綿虺縣之玉壘山呂忱云一日

浣水也下注江孫云綿夷字誤按漢志蜀郡有綿虺縣注云玉壘山湍水所出東南

至江陽入江應劭曰虎音斯師古曰湍音于反

江水又東別為沱

開明之所鑿也華陽國志曰七國時杜宇稱帝于蜀號望帝其相開明決玉壘山以


除水害帝遂禪位於開明郭景純所謂玉壘作東別之標者也

縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰於江作

壩壩有左右口謂之湍壩江入郫江檢江以行舟




益州記曰江至都安堰其右檢其左其正流遠東
郫江之右也因山頽水坐致竹木以溉諸郡又羊
摩江灌江西於玉女房下作三石人於白沙郵郵
在堰官上立水中刻要江神水竭不至足盛不沒
要是以蜀人旱則藉以為漑雨則不遏其流

云秦孝文王時李冰為蜀守壅江作壩穿郫江檢
江別支流雙過郡下以行舟船岷山多梓柏大竹
積隨水流坐致竹木功省用饒又灌漑三郡開稻
田旱則引水浸潤雨則杜塞水門故記曰水旱從
人不知饑饉時無荒年天下謂之天府又自前堰
上分穿羊摩江灌江西於玉女房下白沙郵作三
石人立三水中與江神要故記曰水旱從人不知
水竭不至足盛不沒故記曰水旱從人不知
饑饉沃野千里世號陸海謂之天府也俗謂之都


安之堰亦曰湔堰又謂金隄左思蜀都賦云西踰
金隄者也諸葛亮北征以此堰農本一作國之所
資以征丁千二百人主護之有堰官益州刺史皇
甫晏至都安屯觀坂從事何旅曰今所安營地名
觀坂自上觀下反上之象其徵不祥不從果為牙
門張弘所殺據華陽國志校江水又逕臨邛縣王莽之監

邛也縣有火井鹽水昏夜之時光興上照華陽國志作光
映上江水又逕江鄉縣王莽更名邛原也鄣江水

出焉江水又東北逕郫縣下縣民有姚精者為叛
夷所殺掠其二女二女見夢其兄當以明日自沈



江中喪後日當至。可伺候之。果如所夢。得二女之尸於水。郡縣表異焉。江水又東逕成都縣。縣以漢武帝元鼎二年立。縣有二江。雙流郡下。故揚子雲蜀都賦曰。兩江珥其前者也。風俗通曰。秦昭王使李冰爲蜀守。開成都兩江。溉田萬頃。神歲取童女二人爲婦。冰以其女與神爲婚。徑至神祠。勸神酒。酒杯恒澹澹。冰厲聲以責之。因忽不見。良久有兩牛鬪於江岸。傍有間冰還。流汗謂官屬曰。吾鬪疲極。當相助也。南向腹中正白者。我綬也。主簿刺殺北面者。江神遂歿。蜀人慕其氣。決凡壯健者。因名冰兒也。秦惠王二十七年。遣張儀與司馬錯等滅蜀。遂置蜀郡焉。王莽改之曰導江也。儀築成都以象咸陽。晉太康中。蜀郡爲王國。更爲成都內史。益州刺史治。地理風俗記曰。華陽黑水。惟梁州。漢武帝元朔二年。改梁曰益州。以新啓。犍爲。牂牁。越雋。州之疆壤益廣。故稱益云。初治廣漢之雒縣。後乃徙此。故李固與弟圖書曰。固今年五十七。鬢髮已白。所爲容身而遊。滿腹而去。周觀天下。獨未見益州耳。昔嚴夫子常言。經有五涉。其四州有九遊。其八欲類此子矣。初張儀築城。取土處去城十里。因



七橋以華陽
國志校存其
異同

遷疑作遷

系江

卷三十三

五

以養魚今萬頃池是也城北又有龍隄池城東有
千秋池西有柳池西北有天井池津流徑通冬夏
不竭西南兩江有七橋直西門郾江冲里橋西南
石牛門曰市橋吳漢入蜀自廣都令輕騎先往焚
之橋下謂之石犀淵李冰昔作石犀五頭以厭水
精穿石犀渠於南江命之曰犀牛里後轉犀牛二
頭在頭中宋本作一頭在市橋一頭沈之於淵也
大城南門曰江橋橋南曰萬里橋西上曰夷橋下
曰荻橋南岸道東有文學始文翁為蜀守立講堂
作石室於南城永初舊水經作永年華陽國志後

學堂遇火後守更增二石室後州奪郡學移夷里

道西故錦官也言錦工織錦則濯之江流而錦至

鮮明濯以佗江則錦色弱矣遂命之為錦里也蜀

有迴復水江神嘗溺殺人文翁為守祠之勸酒不

盡拔劍擊之遂不為害江水東逕廣都縣漢武帝

元朔二年置王莽之就都亭也李冰識察水脉穿


縣鹽井江西有望穿鑿山渡水結諸陂池故盛養

生之饒即南江也又從冲里橋北折曰長升橋城

北十里曰升遷華陽國志云兩江有七橋直西門

橋城南曰江橋南渡流曰萬里橋西上有送客觀

日夷里橋下曰竿橋西出折曰長昇橋



司馬相如將入長安題其門曰不乘高車駟馬華陽

國志作赤不過汝下也後入邛蜀果如志焉李冰

泐水造橋上應七宿故世祖謂吳漢曰安軍宜在

七橋連星間華陽國志云安軍宜在七星間漢自廣都乘勝進逼

成都與其副劉尚南北相望夾江為營浮橋相對

公孫述使謝豐揚軍市橋出漢後襲破漢墜馬落

水緣馬尾得出入壁命將夜潛渡江就尚擊豐斬

之於是水之陰江北則左對繁田文翁又穿湔洩

以溉灌繁田一千七百頃江水又東絕綿洛逕五

城界至廣都北岸南入于江謂之五城水口斯為

北江水又東至南安為壁玉津故左思云東越玉

津也

又東南過犍為武陽縣青衣水洙水從西南來合而

注之孫云洙水當作沫水

縣故大夜郎國漢武帝開道置以為縣太初四年

益州刺史任安城武陽建元六年置王莽更名西


順縣曰戢成光武謂之士大夫郡華陽國志曰更

貢職及公孫述有蜀郡拒守述伐之郡功曹朱遵

逆戰死之而任君業閉戶費貽素隱光武嘉之曰

士大夫有鄆江入焉出江源縣首受大江東南流

至武陽縣注于江縣下注上舊有大橋廣一里半



謂之安漢橋水盛歲壞民苦治功後太守李嚴鑿

夫杜山華陽國志作天社山尋江通道此橋遂廢縣有赤水

下注江建安二十九年有黃龍見此水九日方去

此縣藉江為大堰開六水門用灌郡下北山昔者

王喬所升之山也華陽國志犍為東接江陽南接朱提北接蜀郡西接廣漢王喬

升其北山彭江水又與文井江會李冰所導也自

祚道與濛谿分水至蜀郡臨邛縣與布僕水合水

出徼外成都西沈黎郡漢武元封四年以蜀都西

部邛祚邛理旄牛道天漢四年置都尉主外羌在

邛來山表自蜀西渡邛祚其至險有弄棟孫云漢志益州

郡有弄棟縣八渡之難揚母閣路之岨後漢志注云嚴道有邛樊九折

坂其道至險有長嶺若棟八渡之難楊母閣之峻水從縣西布僕來分為

二流一水逕其道又東逕臨邛縣入文井水文井

水又東逕江都縣縣濱文井江江上有長隄隄跨

四十里有朱亭亭南有青城山山上有嘉穀山下

有蹲鴟即芋也所謂下有蹲鴟至老不饑卓氏之


所以樂遠徙也文井江又東至武陽縣天社山下

入江其一水南逕越雋邛都縣西東南至雲南都

宋本之蜻蛉縣郡本雲山地也華陽國志作雲川地蜀建興

三年置僕水又南逕永昌郡邪龍縣而與貪水合

字僕上當有布



水靖蛉縣

謝云靖蛉上當有出字

上承靖蛉水逕葉榆縣又

東南至邪龍入于僕僕水又逕寧州建寧縣州故

庾降都督屯故南入謂之屯下劉禪建興三年分

益州郡置歷雙栢縣即水入焉水出秦藏縣

前漢地志牛蘭山南流至雙栢縣東注僕僕水又東至來

唯縣入勞水水出徼外東逕其縣與僕僕水合僕水

東至交州交阯郡菴冷

一作陵縣南流入于海江水

自武陽東至彭亾聚昔岑彭與吳漢滯江水入蜀

軍次是地知而惡之會日暮不移遂為刺客所害

亦謂之平謨水曰外水此地有彭冢言彭祖冢

江水又東南逕南安縣西有熊耳峽連山競險接

嶺爭高漢河平中山崩地震江水逆流懸澗有灘

名壘坻亦曰監澗李冰所平也

華陽國志南安縣郡東四百里治青

衣江會縣既有名灘一日雷縣治青衣江會衿帶

二水矣即蜀王開明故治也來敏本蜀論曰荆人


鼈令歿

孫云漢志詳其尸隨水上荆人求之不得

鼈令至汶山下復生起見望帝望帝者杜宇也從

天下女子朱利自江源出為宇妻遂王於蜀號曰

望帝望帝立以為相時巫山峽而蜀水不流帝使



以國禪號曰開明縣南有峨眉山下有濛水即大渡

水也水發蒙漢孫云蒙漢當作蒙溪按漢志青衣

安入東南流與泚水合水出徼外逕汶江道呂忱

曰泚水出蜀許慎以為泚水也從水我聲南至南

安入大渡水大渡水又東入江按許氏說文云泚

東南故山海經曰濛水出漢陽西入江灑陽四海

經作轟

又東南過犍道縣北若水淹水合從西來注之又東

注水北流注孫云注水疑誤北

縣本犍人居之地理風俗記曰夷中最仁有仁道

故字從人秦紀謂犍僮之富者也其邑高后六年

城之漢武帝感相如之言使縣令南通犍道費功

無成唐蒙南入斬之乃鑿石開閣以通南中迄于

建寧二千餘里山道廣丈餘深三四丈其塹舊本作

之迹猶存王莽更口犍治也山多猶狃似猴而短


足好遊巖樹一騰百步或三百丈順往倒返乘空

若飛縣有蜀王兵蘭華陽國志云江有兵欄李冰

其神作大難江中崖峻岨險不可穿鑿李冰乃積

薪燒之故其處懸巖猶有赤白玄黃五色焉赤白

照水玄黃從焚來至此而止言畏崖嶼不更上也



後漢志云越雋舊本有熒人崖有五色赤白映益

部者舊傳曰張員妻黃氏女也名帛華陽國志云

貞妻員乘船覆沒求尸不得帛至沒處灘頭仰天

而歎遂自沈淵積十四日帛持員手於灘下出時

人為說曰符有光洛華陽國志熒道有張帛者也

絡熒道有張帛江陽郡志內先氏之女名絡

江水又與符里水合

水出寧州南廣郡南廣縣故犍為之屬縣也漢

武帝太初元年置劉禪延熙中分以為郡導源汾

關山北水流有大涉水注之宋本作出南廣縣北

流注符里水又北逕熒道入江謂之南廣口孫

汾關山符里水所出北至熒道入江渚水則未聞也

又東過江陽縣南洛水從三危山東過廣魏洛陽南

東南注之孫云廣魏洛陽當作廣漢洛縣

洛水出洛縣漳山亦言出梓潼縣栢山山海經曰


三危在燉煌南與嶠山相接山南帶黑水又山海

經不言洛水所道經曰出三危山所未詳常璩云

李冰道洛通山水流發暴一作口逕什邡縣漢高

帝六年封雍齒為侯國王莽更名曰美信縣也洛

水又南逕洛縣故城南廣漢郡治也漢高祖之為



漢王也發巴渝之士北定三秦六年乃分巴蜀置

廣漢郡於乘鄉王莽之就都縣曰廣信也漢地志高帝置

廣漢郡莽曰就都又改廣漢縣曰廣信改雜縣曰吾雒漢安帝永初二年移

治涪城後洛縣先是洛縣城南每陰雨常有哭聲

聞於府中積數十年沛國陳寵為守以亂世多死

亡暴骸不葬故也乃悉收葬之哭聲遂絕劉備自

將攻洛龐士元中流矢死於此蜀志云先王克涪進圍雒縣龐士元

率眾攻城為流矢所中卒益州舊以蜀郡廣漢犍為三蜀土地

沃美人士雋又為一州稱望縣有沈鄉去江七里

江士遊之所居詩至孝母好飲江水嗜魚膾常以

鷄鴨漣流汲江子坐取水溺死婦恐姑知稱詩遊

學冬夏衣服實投江流於是至孝上通洞泉泉出

其舍側而有江之甘焉詩有田濱江澤鹵澤鹵舊作澤鹵

據史記當作馮鹵謂鹹地也泉流所溉盡為沃野又湧泉之中

旦旦常出鯉魚一雙以膳焉可謂孝悌發於方寸

微美著於無窮者也江士遊後漢書作姜士遊廣漢姜詩妻者同郡龐盛之女


也詩事母至孝妻奉順尤篤舍側湧泉味如江水每旦輒出雙鯉以供母華陽國志云孝子江陽符

長姜詩字士遊洛水又南逕新都縣蜀有三都謂成都廣

都此其一焉與綿水合水西出綿竹縣又與湔水

合亦謂之郫江也又言是洛水謝云宋本呂忱曰

以姜為江從音批



一日湔然此二水俱與洛會矣又逕犍為牛鞞水昔羅尚乘牛鞞水東征李雄謂此水也縣以漢武帝元封二年置又東逕資中縣又逕安漢縣謂之綿水也自上諸縣咸以溉灌故語曰綿洛為沒沃也綿水至江陽縣方山下入江謂之綿水口曰中

水江陽縣枕帶雙流據江洛會也漢景帝六年封

趙相蘇嘉為侯國江中有大門小門焉季秋之月

則黃鱗魚歟黃鱗以下字有譌誤按華陽國志云江中有大關小關季春黃

龍堆沒關即平昔世祖微時過江陽縣有一子望氣者言

江陽有貴兒象王莽求之而撩煞之後世祖怨為

子立祠於縣謫其民罰布數世華陽國志云江陽有貴兒氣王莽求

之而縣人殺之世祖謫其民不使冠帶者數世楊雄琴清英曰尹吉甫子

伯奇至孝後母譖之自投江中衣苔帶藻忽夢見

水僊賜其美藥惟養親揚聲悲歌船人聞之而學

之吉甫聞船人之聲疑似伯奇援琴作子安之操


江水逕安漢縣北

縣雖迫山川土地特美蟹一作魚鹽家有焉江陽

郡治也故犍為岐江都尉建安十八年劉璋立

江水東逕樊石灘又逕大附灘

頻歷二險也



又東過符縣北邪東南鰓部水從符關東北注之

孫力云

漢志有邪龍縣

縣故巴夷之地也漢武帝建初六年以唐蒙為中

郎將從萬人出巴符關者也漢武元鼎二年立王

莽之符信矣縣治安樂水會水源南通寧州平夷

郡鰓漢志作鰓縣北逕安縣界之東又逕符縣下

孫云北逕

安縣疑有脫落按漢志北入江縣長趙祉遣吏先

尼和以永建元年十一月詣巴郡沒灰成濡灘子

賢求喪不得女絡年二十五歲有二子五歲以還

至二年二月十五日尚不得喪絡乃乘小船至父

沒處哀哭自沈見夢告賢曰至二十一日與父俱

出至日父子果浮出江上郡縣上言為之立碑以

旌孝誠也華陽國志作先尼和沒死女絡以不得

喪百許日後自投水却後六日與父相持浮於江

上搜神記云捷為叔先泥和其女名雄其鰓部之水所未聞矣或是

水之殊目非所究也

又東北至巴郡江州縣東强水涪水漢水白水宕渠

水五合南流注之宋本作五水合


强水即羌水也宕渠水即潛水渝水矣巴水出晉

昌郡宣漢縣巴嶺山郡隸梁州晉太康中立治漢

絡字是也他書作非先雄又雄字之祀也


絡終

徐釋作



中縣南去郡八百餘里故蜀巴西西南流歷巴中逕
 巴郡故城南李嚴所築大城北西南入江庾仲雍
 所謂江州縣對二水口右則涪內水左則蜀外水
 卽是水也江州縣故巴子之都也春秋桓公九年
 巴子使韓服告楚請與鄧好是也及七國稱王巴
 亦王焉秦惠王遣張儀等救苴侯於巴儀貪巴苴
 之富因執其王以歸而置巴郡焉巴治江州漢獻
 帝初平元年分巴爲三郡於江州則永寧郡治也
 至建安六年劉璋納騫消之訟華陽國志作
 納蹇胤之訟復爲
 巴郡以嚴顏爲守顏見先主入蜀歎曰獨坐窮山

放虎自衛此卽拊心處巴漢世郡治江州巴水北
 北府城是也後乃徙南城劉備初以江夏費觀爲
 太守領江州都督後都護李嚴更城周一十六里
 造倉龍白虎門求以五郡爲巴州治丞相諸葛亮
 不許竟不果地勢側嶮皆重屋累居數有火害又
 不相容結舫水居者五百餘家承三江之會夏水
 增盛壞散顛沒歿者無數縣有官橘官荔枝園夏
 至則熟二千石常設廚膳命士大夫共會樹下食
 之縣北有稻田出御米也縣下又有清水穴巴人
 以此水爲粉則皜曜鮮芳貢粉京師因名粉水故



世謂之爲江州墮林粉粉水亦謂之爲立水矣江
水北岸有塗山南有夏禹廟塗君祠廟銘存焉常
璩仲雍並言禹娶於此余按羣書咸言禹娶在壽
春當塗不於此也

又江水東至枳縣西延江從牂牁郡北流西屈注之
東逕陽關巴子梁江之兩岸猶有梁處巴之三關
斯爲一也延熙中蜀車騎將軍鄧芝爲江州都督
治此江水又東右逕黃葛峽山高嶮今無人居江
水又左逕明月峽東至梨鄉歷鷄鳴峽江之兩岸
有枳縣治華陽記曰枳縣在江州巴郡東四百里

治涪陵水會庾仲雍所謂有別江出武陵者也水

乃延江之枝津分水北注逕涪陵入江故亦云涪

陵水也其水南道宋本作南逕武陵郡昔司馬錯泝舟

此水取楚黔中地延熙中鄧芝伐徐巨射玄援於

是縣援自拔矢卷木葉塞射窟芝歎曰傷物之生


吾其歎矣江水又東逕涪陵故郡北後乃并巴郡

遂罷省江水又東逕文陽灘灘險難上江水又東

逕漢平二百餘里左自涪陵東出百餘里而屈于

積石東爲桐柱灘

又逕東望峽東歷平都



峽民洲舊巴子別都也華陽記曰巴子雖都
平州又治平都即此處也有平都縣為巴郡之
隸邑矣縣有天師治兼建佛寺甚清靈縣有市肆
四日一會

江水又逕虎鬚灘

灘水廣大夏斷行旅

江水又東逕臨江縣南

王莽之鹽江縣也華陽記曰縣在枳東四百里東
接胸忍縣有鹽官自縣北入鹽井谿有鹽井營戶
泂注谿井水井水常作注

江水又東得黃華水口

江浦也

左逕石城南

庾仲雍曰臨江至石城黃華口一百里


又東至平洲

洲上多居民

又東逕壤塗而歷和灘又東逕界壇

是地巴東之西界益州之東境故得是名也又東
過魚復縣南夷水出焉

江水又東右得將龜谿口



華陽記曰胸忍縣出靈龜咸熙元年獻龜於相府
言出自此谿也

江水又東南會北集渠

二谿水涪陵縣界謂之于陽谿北流逕巴東郡之
南浦僑縣西谿夾側鹽井三口相去各數十步以
木為桶徑五尺修煮不絕谿水北流注於江謂之
南集渠口亦曰于陽谿口北水出新浦縣北高粱
山分谿南水宋本作南流逕其縣西又南一百里入胸
忍縣南入于江謂之北集渠口別名班口又曰分
水口胸忍尉治此

江水又右逕池谿口

蓋江汜決入也

江水又東逕右龍


水至于博陽二村之間有盤石廣四百丈長六里
而復殆于岨塞江川夏沒冬出基亘通渚
又東逕羊腸虎臂灘

楊亮為益州至此舟覆微當作懲其波瀾蜀人至今

猶名之為使君灘

江水又東彭水注之

水出巴渠郡獠孫云當羣獠中東南流逕漢豐縣東清




水注之水道源出西北巴渠縣東北巴嶺南獠中
卽巴渠水也西南流至其縣又西入峽檀井谿水
出焉又西過山至漢豐縣東而西注彭谿謂之清
水口彭谿又入逕胸忍縣西六十里南流至于江
謂之彭谿口

江水又東右逕胸忍縣故城南

常璩曰縣在巴東郡西二百九十里縣治故城跨
其山阪南臨大江之南岍有方山山形方峭枕側
江濱

江水又東逕瞿巫灘

卽下瞿灘也又謂之博望灘左則湯谿水注之水
源出縣北六百餘里上庸界南流歷之縣孫云當
作其縣翼帶鹽井一百所巴川資以自給粒大者方寸中
夾隆起形如張傘故因名之曰傘子鹽有不成者
形亦必方異於常鹽矣王隱晉書地道記曰入湯
口四十三里有石煮以爲鹽石大者如升小者如
拳煮之水竭鹽成蓋蜀火井之倫水火相得乃佳
矣湯谿下與檀谿水合上承巴渠水巴渠南歷檀
井谿之檀井水下入湯水湯水又南入于江名曰
湯口



江水又逕東陽灘

江上有破石故亦通謂之破石灘荀延光沒處也

舊本作荀延光未詳吳改作荀亦無所據常璩曰水道有東陽下瞿數

灘山有大小石城靈壽木及橘園也故地理志曰

縣有橘官有民市按漢志巴郡胸忍縣注云容母水所出南有橘官鹽官此云

民市蓋傳寫之譌

江水又逕魚復縣之故陵

舊郡治故陵谿西二里故陵村谿即永谷也地多

木瓜樹有子大如鯢白黃實甚芬香爾雅之所謂

楸也

江水又東為落牛灘逕故陵北

江側有六大墳庾仲雍曰楚都丹陽所葬亦猶楸

之巴陵矣故以故陵為名也有魚復尉戍此江之

左岸有巴鄉村村人善釀故俗稱巴鄉清郡出名

酒村側有谿谿中多靈壽木中有魚其頭似羊豐


肉少骨美於餘魚谿水伏流逕平頭山內通南浦

故縣陂湖其地平曠有湖澤中有菱芡鱖鴈不異

外江凡此等物皆入峽所無地密惡蠻不可輕至

江水又右逕夜清而東歷朝陽道口

有縣治治下有市十日一會



江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東

北流丙水注之水發縣東南柏枝山山下有丙穴

穴方數丈中有嘉魚常以春末遊渚冬初入穴抑

亦襲漢丙穴之類也蜀都賦嘉魚出於丙穴劉淵

北有魚穴二所常以三月取之任豫益州記云嘉

魚之鱗似鱧蜀人謂之拙魚從石孔隨泉出大者

五六尺其水北流入高陽谿谿水又東北流注于江

謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十

許里江山迴澗入峽所無城周十餘里背山面江

頽墻四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造宋本云八陣圖東


跨故壘皆累細石為之自壘西去聚石八行行間


相去二丈因曰八陣既成自今行師庶不覆敗皆

圖兵勢行藏之權自後深識者所不能了今夏水

漂蕩歲月消損高處可二三尺下處磨滅殆盡

漢中變
八陣圖





江水又東南逕赤岬西

是公孫述所造因山據勢周迴七里一百四十步
東高二百丈西北高一千丈南連基白帝山甚高
大不生樹木其土悉赤土人云如人袒胛故謂之
赤岬山淮南子曰徬徨於山岬之旁注曰岬山脅
也郭仲產曰斯名將因此而興矣

江水又東逕魚復縣故城南

故魚國也春秋左傳文公十六年庸與羣蠻叛楚
莊王伐之七過皆北唯裨儵魚人逐之是也地理
志江關都尉治公孫述名之為白帝取其王巴蜀

章武二年劉備為吳所破改白帝為永安巴東郡

治也漢獻帝初平元年分巴為三都以魚復為故

陵郡趙胤訴劉璋改為巴東郡治

獻帝初平元年征東中郎將趙穎建議分巴為二
郡穎欲得巴舊名故白益州牧劉璋以墊江以上
為巴郡江南龐義為太守治安漢以江州至臨江
為永安郡胸忍至魚復為固陵郡建安六年魚復
蹇胤白璋爭巴各璋乃改永安為巴郡以固陵為
巴東郡徙義為巴西太守是為三巴白帝

山城周迴二百八十步北緣馬嶺接赤岬山其間

平處南北相去八十五丈東西十七丈又東傍東

灤谿即以為隍西南臨大江關之眩目唯馬嶺小

差委迤猶斬為路羊腸數四然後得上益州刺史

赤岬杜集
作赤甲

鮑陋鎮此為譙道福所圍城裏無泉乃南開水門
鑿石為函道上施木天公直下至江中有似猿臂
相牽引汲然後得水水門之西江中有孤石為淫
預石冬出水二十餘丈夏則沒亦有裁處宋本
作出矣
李膺益州記云灑預堆夏水漲沒數十丈其狀如
馬舟人不敢進又曰猶豫言舟子取途不決水脉
故猶豫也樂府作淫豫其歌曰淫豫
夫如馬瞿塘不可下坤元錄作允豫縣有夷谿即
狼山清江也經所謂夷水出焉


江水又東逕廣谿峽


斯乃三峽之首也其間三十里頽巖倚木厥勢殆
交北岸山上有神淵淵北有白鹽崖高可千餘丈

俯臨神淵土人見其高白故因名之天旱燃木岸
上推其灰燼下穢淵中尋則降雨常璩曰縣有山

舊本錯以三十一卷清水注并灑水注
三百六十六字寫入此間今改正之澤水神旱

時鳴鼓請雨則必應嘉澤蜀都賦所謂應鳴鼓而
興雨也峽中有瞿塘黃龍二灘夏水迴復泝沂所
忌瞿塘灘上有神廟尤至靈驗刺史二千石逕過
皆不得鳴角伐鼓商旅上水恐觸石有聲乃以布
裹篙足今則不能爾猶饗薦不輟此峽多猿猴不
生北岸非唯一處或有取之放著北山中初不聞
聲將同貉獸渡汶而不生矣考工記曰橘踰淮而
北為枳鸚鵡不踰濟





此地氣然也。蓋自昔禹鑿以通江郭景純所謂巴

東之峽夏后疏鑿者又東出江關入南郡界

江水自關東逕弱關捍關

捍關廩君浮夷水所置也

後漢書巴郡南郡蠻本有五姓俱事鬼神未

君長乃共擲劍於石穴約能中者為君巴氏子務相獨中之又令各乘土船約能浮者以為君唯務射殺鹽水神女為飛蟲蔽日光者於是君平夷城四姓皆弱關在建平神歸界昔巴楚數相攻伐藉臣之

險置關以相防捍秦兼天下置立南郡自巫上皆

其城也又東過巫縣南鹽水從縣東南流注之

江水入東烏飛水注之

兗家云入東當作又東

水出天門郡淩中縣界北流逕建平郡沙渠縣南

又北流逕巫縣南西北歷山道三百七十里注于

江謂之烏飛口

捍當作杆

下文以為三

九月初十日燈下閱

國家圖書館, NATIONAL CENTRAL LIBRARY, TAIWAN, R.O.C.

水經注箋卷第三十四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

江水二

江水又東逕巫縣故城南

縣故楚之巫郡也秦省郡立縣以隸南郡吳孫休
分爲建平郡治巫城城緣山爲墉周十二里一百
一十步東西北三面皆帶傍溪谷南臨大江故謂
之夔國也

